

Ақкөлден ұшқан аққу

Осындай атаумен Ашустасты ауылында Торғай қызы, әнші, сазгер, ақын, Мүгүлсім ТҰРСЫНБЕК-ТІҢ 60 жасына арналып шығармашылық кеш өтті.

Мүгүлсім Тұрсынбек киелі поэзия әлемінде өзіндік сыр, өзіндік бояу ажары бар, сырлы да, нәзік әлеңдерімен оқырман және әдемі қоңыр даусымен тындарман қауымын елең еткізіп, жырмен тербеп жүрген есімі халқына танымал дарынды жерлесіміз. Кештің саханасын

Макаренко атындағы мектептің жанынан ұйымдастырылған домбырашылар оркестрі Жанат Танатқан қызының шәкірттері салтанатты түрде ашты. Осы жерде Арқалық қаласының әкімі Әмірхан Асановтың ауыл-ауылды аралап, домбыраны насихаттап жүргенінің оң нәтижесі екенін айтқанымыз абзал. Мүгүлсімнің өзі де зейнеткер жасына қарамай ауыл жастарын күй тартысқа дайындап жүр. Жастармен иықтасып «Сал күреңді» тартып отырып жан дүниесі, рухы көтеріліп, жүрегі күй болып төгілді емеспе. Бұл музыка мектебінің домбыра

класс ұстазы Мүгүлсімге тосын сый болды. 1984 жылдан бері өзі жүрген мәдениет үйінің саханасы жаңа әні «Қызғалдақтармен» ашылды.

Ақынның жаңадан жарық көрген ән-жинақтары: «Ақкөлден ұшқан аққу», «Жүрек дабылы» кітаптарының қатарына қосылды. Олар М. Тұрсынбектің: «Жүрек толғауы», «Балдәурен», «Ән салайық» ән жинақтары.

Ән кезегі орындалған сайын көрермен қауым ду қол шапалақ соғып, шоқ-шоқ гүлдер сыйлады.

М. Тұрсынбек кешін қорытындылай келе: «Қазақ еліміз-

де, әр отбасында, тату-тәтті бейбітшілік орнасын, ән салып, би билеп, тойлап жүрген күндеріңіз көп болсын! Торғай жері дарынды ер, даңқты батыр, таланты, жігерлі ақын, әнші, сазгер адамдарға бай өлке, өзімді еркелеткен қазағымның сенімін ақтап, қошеметтеріңізге бөленіп жүрсем, бақытты жан екенімді сезінемін», - деді.

**Мағрипа
ҚАСЫМОВА**

